

楊樹達輯錄

古聲韻討論集



北平好望書店出版

古聲韻討論集序目

葉數

錢大昕古無輕唇音第一	1	20
錢大昕舌音類隔之說不可信第二	21	32
章炳麟古音娘日歸泥說第三	33	38
曾運乾喻母古讀考第四	39	82
右論古聲之文凡四篇		
汪榮寶歌戈魚虞模古讀考第五	83	118
楊樹達之部古韻證第六	119	126
右論古韻之文凡二篇		



讀書必求其義。而古義寓於古音。以今音求古義。猶適燕代而南其轅也。往者兄子伯峻北來就學。余首語以古今音變定當分曉。因令手錄錢曉徵及近日章曾汪諸君子之文。時時省覽。峻既遵余教。益以師授。遂於古音頗有省悟。今既訖業歸去矣。余念錢章著書布於海內。人人可求而得。若汪曾二君之文。散在校誌。遐陬慮不易見。重以遼瀋失陷。曾君原刊益不可得。吾家子弟既有獲於諸文。亦欲用此薄益多士。因請於汪曾二君。爲彙錄流布。而以余近著之部古韻證附焉。娘日歸泥之說。發自吾鄉鄒氏叔績。而章君證成之。余於之部古讀證成章義。亦猶章君之志。

也・民國二十二年十二月五日長沙楊樹達書於北平頭髮胡同寓之積微居・



古聲韻討論集 序目

古聲韻討論集 序目



古聲韻討論集

長沙 楊樹達 輯錄

錢大昕古無輕唇音第一

凡輕唇之音。古讀皆爲重唇。詩。凡民有喪。匍匐救之。檀弓引詩作扶服。家語引作扶伏。又誕實匍匐。釋文。亦作扶服。左傳昭十二年。奉壺飲冰。以蒲伏焉。釋文。本又作匍匐。蒲本亦作扶。昭二十一年。扶伏而擊之。釋文。本或作匍匐。史記蘇秦傳。嫂委蛇蒲服。范雎傳。膝行蒲服。淮陰侯傳。俛出袴下蒲伏。漢書霍光傳。中孺扶服叩頭。皆匍匐之異文也。

古讀扶如蒲。轉爲蟠音。漢書天文志。晷長爲潦。短爲旱。奢爲扶。鄭氏云。扶當爲蟠。齊魯之間聲如蒲。蒲扶聲近蟠。止不行也。史

記五帝本紀・東至蟠木・呂氏春秋・東至扶木・又云・禹東至搏木之地・扶木謂扶桑也・說文作搏桑・古音扶如蟠・故又作蟠木・一切

經音義卷六
又作扶蟠

服又轉爲犗音・說文引易犗牛乘馬・犗牛卽服牛也・左傳・王使伯服游孫伯・史記鄭世家作伯犗・後漢書皇甫嵩傳・義眞犗未乎・注・

犗古服字・

服又轉爲𦵏音・漢書東方朔傳・舍人不勝痛・呼𦵏・服虔云・𦵏音暴・鄧展云・瓜𦵏之𦵏・師古曰・痛切而叫呼也・與田蚡傳呼服音義皆同・田蚡傳・蚡疾・一身盡痛・若有擊者・諱服謝罪・晉灼云・服音𦵏・關西俗謂得杖呼及小兒啼爲呼𦵏・

廣韻・菹・薄報切・鳥伏卵・伏・扶富切・鳥菹子・伏菹互相訓・而

聲亦相轉。此伏羲所以爲庖犧。伏羲氏亦稱庖犧氏。說文。彘。迫也。讀若易虞義氏。唐韵。彘。平祕切。風俗通。伏者。別也。變也。伏羲始別八卦以變化天下。

伏又與逼通。考工記。不伏其轅。必縊其牛。注。故書伏作偪。杜子春云。偪當作伏。按。偪迫別變皆重唇。

伏又與馮通。皮冰切史記魏世家。中旗馮琴而對。春秋後語作伏琴。戰國策。伏軾擗衡。漢書王吉傳。馮式擗衡。

古音頁如背。亦如倍。史記魯周公世家。南面倍依。漢書徐樂傳。南面背依。倍與背同。卽頁展也。書禹貢。至于陪尾。史記作頁尾。漢書作倍尾。漢書宣帝紀。行幸頁陽宮。季斐曰。頁音倍。東方朔傳。倍陽宣曲尤幸。師古曰。倍陽卽頁陽也。釋名。頁。背也。置

項背也。

書・方命圯族・史記作負命・正義云・負音佩・依字通・負・違也。
按・負命猶言背命。

負亦爲老母之稱・漢書高帝紀・常從王媼武負酆酒・如淳曰・俗謂老
大母爲負・師古曰・劉向列女傳・魏曲沃負者・魏大夫如耳之母也
・此則古語謂老母爲負耳・武負・武家之母也・案・古稱老嫗爲負
・若今稱婆・皆重唇・非輕唇・

古讀附如部・左傳・部婁無松柏・說文引作附婁・云・附婁・小土山
也・今人稱培婁・詩・景命有僕・傳・僕・附也・廣雅・薄・附也・

苻卽蒲字・左傳・取人於荏苻之澤・釋文・苻音蒲・晉書・蒲洪孫堅
背有草付字・改姓苻・

古讀佛如弼。亦如勃。詩。佛時仔肩。釋文。佛。毛苻弗反。大也。
鄭音弼。輔也。學記。其求之也佛。正義。佛者。佛戾也。釋文。
本又作拂。扶弗反。曲禮。獻鳥者佛其首。注。佛。戾也。釋文作
拂。本又作佛。扶弗反。晉書。赫連勃勃。宋書作佛佛。乞伏氏亦
作乞佛。古音伏佛皆重唇佛亦作翳。說文。翳。大也。讀若予違汝弼。

古讀文如門。水經注漢水篇。文水。卽門水也。

今吳人呼蚊如門

書。岷嶓既

藝。岷山之陽。岷山導江。史記夏本紀皆作汶山。漢書武帝紀。文
山郡。注。應劭曰。文山。今蜀郡嶓山。禮記。君子貴玉而賤珉。
珉或作玟。釋文。玟。武巾切。又音枚。漢書高帝紀。亡諸身帥閩
中兵。如淳曰。閩音緡。應劭曰。音文飾之文。文閩同音。皆重唇
也。史記魯世家。平公子女公。世本作潛公。潛與閔同。閔亦从

文聲。

古讀弗如不。廣韻。不與弗同。分勿切。說文。吳謂之不律。燕謂之弗。秦謂之筆。弗不聲相近也。

古讀弗如弼。孟子。入則無法家拂士。史記夏本紀。女匡拂予。

古讀箒如蔽。詩。翟箒以朝。傳。箒。蔽也。周禮注引作翟蔽以朝。箒箒魚服。箋。箒之言蔽也。箒箒朱韜。傳。車之蔽曰箒。

古讀第如李。史記天官書。星第于河戌。索隱云。第音佩。即李星也。漢書谷永傳。第星耀光。師古曰。第與李同。音步內反。

論語。色勃如也。說文兩引。一作孌。一作艱。廣韻十一沒部。艱。艱然不悅。蒲沒切。此古音。又八物部。艱。淺色。敷勿切。此齊梁以後之音。

古讀繁如聲。左傳成二年。曲縣繁纓以朝。釋文。繁。步干反。繁纓亦作樊纓。周禮巾車。玉路錫樊纓。十有再就。注。樊讀如聲帶之聲。謂今之馬大帶也。釋文。樊。步干反。廣均二十六桓部有繁字。云。作步干切。是寒桓不分也。故寒桓分開口合口呼。亦起於法言諸人。繁又轉婆音。左轉定四年。殷民七族。繁氏。錡氏。釋文。繁。步河反。漢書公卿表。李延壽爲御史大夫。一姓繁。師古曰。繁音蒲元反。陳湯傳。御史大夫繁延壽。師古曰。繁音蒲胡反。蕭望之傳。師古音婆。谷永傳。師古音蒲何反。延壽一人。而小顏二易其音。要皆重脣。非輕脣。則是漢時無輕脣之證也。史記張丞相列傳。丞相司直繁君。索隱音繁爲婆。文選。繁休伯。呂向音步何反。廣均八戈部有繁字。薄波切。則繁姓讀爲婆音爲正。

古讀蕃如卞・漢書成帝紀引書於蕃時雍・於蕃卽於變也・孔宙碑又云
・於卞時雍・卞變蕃皆同音・

古讀藩如播・周禮大司樂・播之以八音・注・故書播爲藩・杜子春云
・播當爲藩・讀后稷播百穀之播・尙書大傳・播國率相行事・鄭注
・播讀爲藩・

古讀僨如奔・禮射義・賁軍之將・注・賁讀爲僨・覆敗也・詩行葦傳
引作奔軍之將・

古讀汾如盆・莊子逍遙游篇・汾水之陽・司馬彪崔譔本皆作盆水・

古讀紛如幽・周禮司几筵・設莞筵紛純・鄭司農云・紛讀爲幽・

古讀甫如圃・詩・東有甫草・韓詩作圃草・薛君章句・圃・博也・有
博大茂草也・鄭箋云・甫草・甫田之草也・鄭有圃田・釋文・鄭音

補，左傳・及甫田之北竟・釋文・甫・布五反・本亦作圃・

古音敷如布・書顧命・敷重篋席・說文引作布重萇席・敷政優優・左傳引作布政・儀禮・管人布幕于寢門外・注・今文布作敷・

敷亦讀如鋪・詩・鋪敦淮漬・釋文・韓詩作敷・又敷時繹思・左傳引作鋪・蓼蕭箋・外薄四海・釋文云・諸本作外敷・注・芳夫反・是亦讀如鋪也・公羊隱元年釋文・反・普顏反・舊敷開反・是古讀敷如普・

古讀方如旁・書・方鳩僝功・說文兩引・作旁逌僝功・作旁救辱功・史記作方聚布功・書・方施象刑・惟明・新序引作旁施・立政・方行天下・亦讀爲旁・與易旁行而不流義同・傳云・方・四方・非也・書・方告無辜于上・論衡引作旁・士喪禮・牢中旁寸・注・今文旁作方・左傳・衡流而方羊・釋文・方・蒲郎反・莊子逍遙游篇・

彷徨乎無爲之側。崔譔本作方羊。

方又讀如謗。論語。子貢方人。鄭康成本作謗人。廣雅。方。表也。邊。方也。說文。方。併船也。古人讀方重唇。與邊表併聲相近。字林。穠。方遙反。襍。方沃反。邾。方代反。呂忱。魏人。其時初行反語。卽反語可得方之正音。六朝以後。轉重唇爲輕唇。後世不知有正音。乃強爲類隔之說。謬矣。

古音魴如魴。說文。魴或作魴。春秋。晉侯使士魴來乞師。公羊傳作士彭。是魴非輕唇也。

古音逢如蓬。詩。鼂鼓逢逢。釋文。逢。薄紅反。徐仙民音豐。亦讀豐重唇也。爾雅。歲在甲曰闕逢。淮南天文訓作闕蓬。莊子山木篇。雖羿蓬蒙不能眇睨。今本蓬作逢。蓋淺人妄改。茲據陸氏釋文。卽孟子之逢蒙也。後世聲

韵之學行。妄生分別。以鼙鼓逢逢讀重唇。入東韻。相逢字讀輕唇。入鍾韻。又別造一逢字。轉爲薄江切。訓人姓。改逢蒙逢丑父之逢爲逢以實之。則真大謬矣。洪氏隸釋引司馬相如云。烏獲逢蒙之巧。王褒云。逢門子彎烏弓。藝文志亦作逢門。即逢蒙也。古今人表有逢於何數人。陽朔中有太僕逢信。左傳有逢伯陵逢丑父矣。漢有逢萌。莊子。羿逢蒙不能睥睨。淮南子。重以逢門子之巧。皆作逢迎之逢。石刻有漢故博士趙傳逢府君神道。逢童子碑。其篆文皆從逢。魏元丕碑有逢牧。孔宙碑有逢祈逢盛。碑陰有逢信。亦不書作逢。又謂漢儒尙借蠶爲逢。則恐諸逢當讀爲鼙鼓逢逢之逢。洪說是也。漢魏以前。未有逢字。其爲六朝人妄造無疑。廣韵江部又有薛字。訓鼓聲。此卽鼙鼓逢逢之逢。音轉爲薄江切。俗師改從音旁。

• 又改峯爲峯，皆所謂不知而作也。

古讀封如邦，論語：且在邦域之中矣。釋文：邦或作封，而謀動干戈於邦內。釋文：鄭本作封內。釋名：邦，封也。有功於是，故封之也。

封又讀如窆，檀弓：縣棺而封。注：封當爲窆，下棺也。春秋傳作塋，周禮鄉師：及窆，執斧以涖匠師。鄭司農云：窆謂葬下棺也。春秋傳曰：日中而塋。禮記所謂封者，太僕：窆亦如之。鄭司農云：窆謂葬下棺也。春秋傳所謂日中而塋。禮記謂之封，皆葬下棺也。音相似。窆讀如慶封汜祭之汜。左傳：日中而塋。釋文：塋，北鄧反。下棺也。禮家作窆，彼驗切。義同。說文：塋，喪葬下土也。禮謂之封。周官謂之窆。封，府容切。塋，方驗切。窆，方鄧切。